

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24) a nakon provedenog postupka nabavke putem konkurentskog zahtjeva, zaključen je:

U G O V O R

o kupoprodaji računarske opreme LOT 2 - Nabavka računara 2 (dva) komada

Između:

1. Bosna i Hercegovina, Vijeće ministara Bosne i Hercegovine, Direkcija za evropske integracije, Đoke Mazalića broj 5, koju zastupa direktorica Elvira Habota, (u daljem tekstu: Kupac)

i

2. REBUS d.o.o. Sarajevo, ul. Derviša Numića broj 1a, koju zastupa direktor Kerim Kapetanović (u daljem tekstu: Prodavac)

Član 1.

1) Predmet ovog Ugovora je kupoprodaja računarske opreme LOT 2 - Nabavka računara 2 (dva) komada (u daljem tekstu: oprema), za potrebe Direkcije za evropske integracije po osnovu provedenog konkurentskog zahtjeva, po ukupnoj cijeni ponude nakon provedene e – aukcije u iznosu od 4.440,00 KM bez PDV-a.

2) Ponuđač Rebus d.o.o. Sarajevo u svojoj ponudi ponudio je 2 (dva) računare Lenovo ThinkCentre Neo 50 AIO 24 Gen po jedniničnoj cijeni u iznosu od 2.220,00 KM bez PDV – a, koji svojim tehničkim karakteristikama u potpunosti odgovoraju tehničkoj specifikaciji iz Obrasca za cijenu ponude.

Član 2.

3) Sastavni dio ovog Ugovora je Ponuda Prodavca od dana 01.04.2025. godine, sačinjena prema zahtjevu za dostavu ponuda, sa svim tehničkim karakteristikama opreme sadržanih u Obrascu za cijenu ponude.

Član 3.

1) Prodavac se obavezuje da će isporuku opreme izvršiti u skladu sa zahtjevom Ugovornog organa i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke.

2) Kupac je dužan da dostavi pisano obavještenje o svakom navodnom propustu Prodavca po ovome Ugovoru.

3) Kupac će utvrditi razuman rok za ispravku propusta Prodavca u smislu izvršene nabavke.

Član 4.

1) Prodavac se obavezuje na rok isporuke opreme najkasnije do 30 dana od momenta potpisivanja Ugovora.

2) Isporuka opreme je Fco. Kupac, Direkcija za evropske integracije, Đoke Mazalića broj 5, Sarajevo.

3) Rok plaćanja Prodavcu je 15 dana od dana dostave fakture Kupcu za izvršenu isporuku, ukoliko isporučena oprema bude zadovoljila svojom kvalitetom.

Član 5.

- 1) Prodavac se obavezuje dostaviti opremu Kupcu, propisanog kvaliteta, u traženim količinama i u dogovoreno vrijeme.
- 2) Prodavac se obavezuje da će sva oprema koju će isporučiti Kupcu biti označena i deklarirana u skladu sa važećim Zakonom o standardizaciji, Zakonom o vanjsko - trgovinskom poslovanju, te drugim važećim propisima.
- 3) Ukoliko isporučena oprema ne bude zadovoljavala svojim kvalitetom, Prodavac je dužan postupiti po reklamaciji odmah po dobivanju obavijesti o neispravnosti, nakon čega će Kupac pristupiti plaćanju isporučene opreme.

Član 6.

- 1) Prodavac se obavezuje dati garanciju proizvođača za isporučene računare minimalno 3 (tri) godine, uz mogućnost provjere na web stranici proizvođača po serijskom broju računara.
- 2) Tokom trajanja garantnog roka Prodavac se obavezuje da je vrijeme odziva tehničkog centra maksimalno 24 sata od prijave kvara.
- 3) Tokom trajanja garantnog roka, Prodavac se obavezuje da će u roku do 48 sati od dijagnosticiranja kvara isti ukloniti, a u slučaju da to nije moguće, obavezuje se odmah izvršiti zamjenu tehnički neispravne opreme.

Član 7.

- 1) Ovaj Ugovor se može raskinuti na osnovu sporazuma ugovornih strana.
- 2) Ovaj Ugovor može se raskinuti i jednostrano i to iz sljedećih razloga:
 - a) u slučaju da druga ugovorna strana ne ispunjava obaveze iz ugovora u utvrđenim rokovima i na utvrđeni način;
 - b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana;
 - c) drugih razloga u skladu sa važećim zakonima.
- 3) Ugovorna strana koja pokreće postupak za raskid ugovora iz razloga navedenih u stavu (2) ovog člana ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza, sa dodatnim rokom za ispunjenje tih obaveza.
- 4) Dodatni rok iz prethodnog stava ovog člana Ugovora ne može biti duži od 15 (petnaest) dana. U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, i ni u dodatno ostavljenom roku ne ispunji svoje obaveze iz ugovora, ovaj Ugovor će se smatrati raskinutim.

Član 8.

Prodavcu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi zahtjeva za dostavu ponuda, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

Član 9.

- 1) Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Suda Bosne i Hercegovine.
- 2) Na sva ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 10.

- 1) Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 01.06.2025. godine.
- 2) Ovaj Ugovor stupa na snagu danom potpisivanja obje ugovorne strane.

Član 11.

Ovaj Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe

Prodavac
Direktor
Kerim Kapetanović

Broj: 150-04-25/12
Datum, 29.04.2025.



Kupac
p.o. Direktorica
Elvira Habota

Broj: 16-4-73-11-47/25
Datum, 29.04.2025. g.o.c.m.p

